



# Հուսիկ Արա

## Ուշ աղջիկ

Փափուկ,  
լուսավոր  
հանգստի գոտի են  
մարմնիդ բաց տեղերը,  
իսկ ամբողջ մերկությունդ օազիս է  
անապատում հոգնածիս համար:

Օրվա բոլոր ժամերը քեզ են բերում ինձ կարծես,  
բայց միշտ նույնն է մնում ավազի բարակ շերտը մեր միջև:  
Անապատի տեսի՞լք, թե՞ միրաժ ես, տաքուկ խաբկանք,  
երբ մոտենում են, հեռուն նույնն է,  
այդպես երազի խայծն է, կամ լինում է կախարդանքի մեջ:

Ավազների վրա իմ ոտնահետքերն են,  
էլի ուրիշ հետքեր՝ քո ոտքերի կեղծումով,  
և այլևս տեղ չկա քո քայլերին, ուշ աղջիկ:  
Ճանապարհն ինձ խաբել է, թե ամեն եկվոր քո մոտենալն է,  
և բոլոր զարդերս նրանց պարանոցին ու ականջներից կախեցի:

Հիմա անապատում կանչողի ձայնն են՝  
գոնե քեզ համար, չբռնված սեր .  
դատարկ են ու չունեն տալու:

Ավագներից վեր սպասումն է քո,  
իսկ ավագների տակ ցավն է շարունակվում:  
Ուղտեր են անցնում տարտամ քայլերով ու որոճով դանդաղ,  
և ես հիշեցի ծարավի մասին,  
որ երակներս է խցանել  
ու դողում է թոքերիս մեջ .  
իսկ հորիզոնում միրաժ է,  
մերթ մոտ ու մերթ հեռու տեսիլք: